

B.

Hertzog Johans zu

Gleve/ der Hertzogthumb Gällich vnd zu dem
Berg/ vnd der Graffschafft Ravens-
spurg halben/ Regalia.



Ir Carol/ ic. Bekennen öffentlich
mit diesem Brieff/ vnnnd thun kundt
allermänniglich/ Wiewol wir allen
vnd jeglichen vnsern vnd des heiligen
Reichs Vnderthanen vnd getrewen/
vnser Keyserliche Genad vnd Gütig-
keit mitzutheilen geneigt seyn: Je-
doch so ist vnser Kayserlich Gemüht billich mehr bewegt/
gegen denen die vns vnnnd dem heiligen Reich/ als die
nächsten Glieder/ die Pürdte desselben Reichs mit ge-
trewen Diensten/ Ihrer Leib vnnnd Güter helfen tra-
gen/ Sie mit sondern vnsern Kayserlichen Gnaden zu
fürsehen.

Wann vns nun der Hochgeborne Johans Hertzog
zu Gälch/ zu Gleve/ vnd zu dem Berg / vnd Grave zu
der Marck / vnd zu Ravensspurg / vnser lieber Oheim
vnd Fürst/ durch die Edlen vnser vnd des Reichs liebe
Getrewen Wilhelmen Herrn zu Kennenberg/ vñ Wey-
reichen/ Graven zu Lüneburg/ vnd Herrn zu Oberstein/
Also der Sachen sein vollmächtige Anwäldte/ mit ge-
nugsamen verschriebenen Gewalt/ den sie deshalben
besigelt

besigelt vor vns haben fürbracht/ zu erkennen gegeben/
wie er seine Regalia vnd Lehen in eygner Person zu emp-
pfahen willig were/ aber dieser Zeit mit mercklichen An-
ligen vnd Geschefften/ vnd sonderlich/ Aufsechtung vnd
Anstoß seiner Landt beladen/ Desßhalben er dismals zu
vns an vnsern Kayserlichen Hoff mit seiner selbst Per-
son/nicht hab kommen mögen/ als er dann zu thun schul-
dig were/ vnd gern thete.

Vnd vns darauff demüthiglichen angeruffen vnd
bitten lassen/ Daß wir ihme die Herzogthumb/ vnd
Fürstenthumb Gölch/ vnd zu dem Berg/ vñ die Graff-
schafft Ravenspurg/ vnd alle andere seine Herrschafft
vnd Lehen schafft/ mit sambt allen vnd jeglichen ihren
Fürstlichen Würdigkeiten/ Ehren/ Herligkeiten/ Herz-
schafften/ Graven/ Herrn/ Mannen/ Manschafften/
Engenschafften/ Pfandschafften/ Rittern/ Knechten/
Landen/ Leuthen/ Schössern/ vesten Städten/ Man-
lehen/ Dörffern/ Rentn/ Nutzen/ Gütern/ Gültten/
Rechten/ Gerichten/ Wiltbannen/ Wälden/ Wiesen/
Eckern/ Wassern/ Wasserflüssen/ Wanden/ Teichen/
Bischereneyen/ Zollen/ Glaytten/ Fahnen/ Panieren/
Strassen/ Gebieten/ Bergen/ Bergwercken/ Mün-
zen/ Mühlen/ Thalen/ Elen/ vnd allen andern ihren
Zugehörungen/ wie die genant seyn/ nichts außgenom-
men/ noch hindan gesetzt/ mit allen Rechten/ Alßdann
die von vns/ vnd dem heiligen Reich zu Lehen rühren/ zu
seinem Rechten zu verleihen/ gnediglich geruhen.

Deß haben wir angesehen solch deß genandten vnsern lieben Dheim vnd Fürsten / Herkog Johansen des mächtige Bitt / vnd auch möglich willig vnd angenehme Dienst / die seyn vordern / Beylandt vnsern Vorfahren Römischen Kaysern vnd Königen / vnnnd dem heiligen Reich in vergangenen Zeitten gethan haben / auch derselb Herkog Johans vns vnd dem Reich gethan hat / zu thun willig vnd bereidt ist / noch täglich thut / vnd fürbaß wol thun mag / vnd soll / in künfftigen zeitten.

Vnd haben darumb mit wolbedachtem Muth / guttem zeittigem Raht / vnd rechter Wissen / als Römischer Kayser / dem vorgenandten vnsern lieben Dheim vnd Fürsten / Herkog Johans / vnd seinen Lebens Erben / die gedachten Herkogthumb vnnnd Fürstenthumb zu Gölch / vnd zu dem Berg / vnnnd die Graffschafft zu Ravenspurg / vnnnd all ander sein Herrschafft / Lebensschafft / vnd Pfandschafft / wie die weyland Herkog Wilhelm zu Gölch vnd zu dem Berg / vnnnd Grave zu Ravenspurg ingehabt hat / Mit allen vnnnd jeglichen ihren Fürstlichen Ehren / Würdigk. itten / Stätten / Schlößern / Märckten / Dörffern / Landen / Leuthen / Mannen / Rechten / Gerichten / Freyen Stuehlen / Freyen Gerichten / Gebieten / Zollen / Strassen / Glaitten / Fahnen / Panieren / Lehen / Manschafften / Eigenschafften / Pfandschafften / Güttern / Gülten / Zinsen / Nutzen / Wildipennen / Bischeren / Wassern / Wasserlauffen / Bergwercken / Münzen / Mühlen / vnd mit andern

andern ihren Zugehörungen / wie die genandt / vñnd
 woran die seyn / nichts außgenommen / noch hindan ge-
 setzet / zu seinem Rechten gnediglich gereicht vñnd verlie-
 hen / Reichen vñnd verlehnen Ihme die auch von Röm-
 scher Kayserlicher Macht / wissentlich in Crafft dieses
 Brieffs / was wir ihme dann daran von Rechts wegen
 lehnen sollen vñnd mögen.

Die nun fürbaß von vns vñnd dem heiligen Reich
 zu rechtem Fürstlichem Lehen zu haben / zu behalten / zu
 besitzen / vñnd deren zu gebrauchen vñnd zu genießen / als
 dann solcher Herzogthumb / Fürstenthumb / Graff-
 schafft vñnd Herrschafft vñnd Lehen Recht vñnd Herkom-
 men ist / von allermenniglich vnverhindert / doch vn-
 schedlich vns vñnd dem Reich / vnsern Namen / vñnd sonst
 jederman an seinen Rechten / Vns haben auch die vor-
 gemeldten Wilhelm Herz zu Kemmenberg / vñnd Weirich
 Graff zu Limburg / in Crafft deß obberührten gegebe-
 nen Gewaltts / im Namen / an statt / vñnd in stelle deß
 vorgedachten vnseres Dheims vñnd Fürsten / Herzog Jo-
 hansen gewöhnlich Gelübt vñnd Ande gethan / vns als
 Römischen Kayser von solcher Regalia vñnd Lehen we-
 gen / getrew / gehorsam / vñnd gewertig zu seyn / vns für
 seinen rechten natürlichen Herrn zu halten / zu dienen /
 vñnd zu thun / Als daß ein Fürst zu Gülch vñnd zu dem
 Berg / vñnd Graff zu Ravenspurg einem Röm. Kayser
 oder König / seinem Lehen vñnd rechten natürlichen vñnd
 ordentlichen Herrn zu thun pflichtig ist / ohne geferdte.

Mit Verkundt dieses Brieffs/ besiegelt mit vnserm Kayserlichen anhangenden Insigel/ Geben in vnser Stadt Prüssel in Brabant am zween vnd zwanzigsten Tag des Monats Junij/ nach Christi Geburt/ fünffzehnhundert vnd im ein vnd zwanzigsten/ vnser Reich des Römischen im andern/ vnd der andern aller im sechsten Jahr.



C. **Hertzog Johansz zu**
 Cleve/ Gülich vnd zu dem Berg/ das Hertzogthumb Cleve Graffschafft von der Marck vnd Herrschafft Genep berürende Regalia.



Ir Carol/ r. Bekennen öffentlich mit diesem Brieff/ vnnnd thun kundt allermänniglich/ Wiewol wir allen vnd jeglichen vnsern vnd des heiligen Reichs Vnderthanen vnd getrewen/ vnser Keyserliche Genad vnd Gütigkeit mitzutheilen geneigt seyn: Jedoch so ist vnser Kayserlich Gemüht billich mehr bewegt/ gegen denen die vns vnnnd dem heiligen Reich/ als die nächsten Glieder/ die Pürdte desselben Reichs mit treuwon Diensten/ Ihrer Leib vnd Gütter helfen tragen/ hie mit